

39 ber framfærslusveit hans að greiða $\frac{1}{5}$ hluta kostnaðarins, og má ekki telja þá greiðslu 20. marz sveitarstyrk veittan sjúklingnum, enda er hún ekki afturkræf.

6. gr.

Með reglugerð þessari er úr gildi numin reglugerð nr. 19 25. febr. 1944, um styrkveitingar til sjúklinga með alvarlega, langvinna sjúkdóma.

Reglugerð þessi er sett samkvæmt 1. gr. laga nr. 92 16. des. 1943, um breyting á lögum nr. 78 23. júní 1936, um ríkisframfærslu sjúkra manna og örkumla, til að öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 20. marz 1951.

Steingrímur Steinþórsson.

Jónas Guðmundsson.

40

29. marz

G J A L D S K R Á

fyrir Rafveitu Vatnsleysustrandarhrepps.

I. RAFORKA

Rafveita Vatnsleysustrandarhrepps selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 1.70 hver kwst. Við þessu verði skal selja hvers konar raforkunotkun, sem ekki fellur undir aðra liði þessarar gjaldskrár.
2. Um kwst.mæli á 60 aura hver kwst., auk fastagjalds, er nemi kr. 8.00 á ári á fermetra gólfplatarmáls í rúmi því, er lýsa skal. Fullt fermetragjald skal greiða af gólfleti í húðum, vinnustofum og skrifstofum, en fyrir geymslur og ganga skal greiða kr. 2.50 á ári af fermetra.

B. Rafmagn til almennrar heimilisnotkunar.

Um kwst.mæli á 44 aura hver kwst. Auk þess skal greiða fastagjald, kr. 6.00 á mánuði af fyrsta herbergi hverrar íbúðar og kr. 4.00 á mánuði af hverju herbergi, sem umfram er.

Við útreikning á fjölda herbergja skal telja öll íbúðarherbergi og eldhús. Herbergi, sem er minna en 5 fermetrar, skal telja sem hálf, en stærra en 25 fermetrar sem tvö. Ef meðalstærð herbergja í íbúð er minni en 10 fermetrar, má miða við samantlagt flatarmál þeirra, þannig að hverjir 10 fermetrar jafngildi einu herbergi, en 5 fermetrar hálfu herbergi.

C. Rafmagn til véla.

1. Um kwst.mæli á 90 aura hver kwst. Hafi vélarnar mjög stuttan notkunartíma á ári, má krefjast minnsta árgjalds frá kr. 150.00 til kr. 175.00 á hvert uppsett kw. vélanna.
2. Til fiskiðnaðar, enda sé uppsett vélaafli 20 kw. eða meira, á 29 aura hver kwst., enda megi þá rjúfa strauminn í allt að 3 klst. á dag á tímum mesta álags rafveitunnar, en þó eigi lengur en $1\frac{1}{2}$ klst. í senn.

D. Rafmagn til hitunar.

40

1. Um kwst.mæli á 18 aura hver kwst. Sala á rafmagni samkvæmt þessum lið er háð því skilyrði, að straumurinn sé rofinn frá kl. 10.30 til 12 og frá kl. 18 til 19.30.
2. Um kwst.mæli á 6 aura hver kwst. Sala á rafmagni samkvæmt þessum gjaldskrár-lið er háð því skilyrði, að straumurinn sé rofinn frá kl. 8.30 til 23.

Önnur skilyrði fyrir raforkusölu til hitunar:

- a. Að vélaafl, götulinur og spennar þoli álagið að dómi rafveitustjóra.
- b. Að notandi láti á sinn kostnað setja klukkurofa fyrir hitalagnir og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra, en notandi kosti tengingu þeirra og greiði leigu af þeim samkvæmt reglum um leigu mælitækja.
- c. Að hitalagnir, þar með talin öll tæki, séu gerð samkvæmt fyrir mælum rafveitunnar, ofnar fasttengdir með sérstökum rofum og hitastillar notaðir.

E. Önnur raforkunotkun.

1. Til vinnulýsinga við byggingar, meðan á byggingu stendur, 90 aurar hver kwst.
2. Til súgþurrkunar á heyi, á 30 aura hver kwst.
3. Til fiskþurrkunar á 40 aura hver kwst.
4. Til götulýsingar og hafnarlýsingar á 90 aura hver kwst., enda annist rafveitan rekstur og viðhald lýsinganna.

Þegar sérstaklega stendur á, má rafveitustjóri, með samþykki rafveitustjórnar, selja raforku með sérstökum samningi í hvert sinn, en eigi lengur en til eins árs í senn.

II. MÆLALÆIGA

Rafveitustjóri ákveður stærð og gerð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum upp að 30 amper ... kr. 2.00 á mánuði.
2. — þrífasa mælum upp að 50 amper ... — 3.00 — —
3. — þrífasa mælum 50 til 200 amper — 7.00 — —
4. — þrífasa mælum yfir 200 amper — 10.00 — —

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGAGJÖLD

Af hverri húsveitu, sem tengd er við rafveituna, skal greiða heimtaugargjald sem hér segir: Grunn gjald kr. 2000.00 og auk þess kr. 20.00 af hverjum hundruð krónum af samanlögðu fasteignamatsverði lands og húsa.

Sé lengd jarðlínuheimtaugar yfir 25 m og loftlínuheimtaugar yfir 60 metrar, skal húseigandi greiða kostnað af því, sem fram yfir er. Ef lagðar eru fleiri en ein heimtaug að húsinu, skal greiða allan kostnað við síðari heimtaug eftir reikningi.

IV. ÝMIS GJÖLD

1. **Opnunargjald.** Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun kr. 20.00.

- 40 2. Óleyfileg vör. Ef fundin eru óleyfileg eða of stór vör við skoðun, skal veitunni
29. marz lokað tafarlaust og verður hún ekki opnuð fyrr en notandinn hefur greitt 20.00 kr. gjald á skrifstofu rafveitunnar.

Heppsnefnd er heimilt að hækka eða lækka gjöld, sem ákveðin eru í gjaldskrá þessari, um allt að 20 af hundraði, án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá fyrir rafveituna, nr. 89 8. júlí 1948.

Atvinnumálaráðuneytið, 29. marz 1951.

Hermann Jónasson.

Þorv. K. Þorsteinsson.

- 41
31. marz

AUGLÝSING

um reglur varðandi lyfjagreiðslur sjúkrasamlaga.

Samkvæmt 3. tölulið 21. gr. laga nr. 51/1951, um breyting á lögum nr. 50 1946, um almannatryggingar og viðauka við þau, hefur ráðuneytið, eftir tillögum tryggingaráðs, ákveðið, að greiðslur sjúkrasamlaga fyrir lyf, önnur en þau, sem lífsnauðsynleg teljast til notkunar að staðaldri, og umbúðir utan sjúkrahúsa, samkv. 2. tölul. 33. gr. laga nr. 104/1943, skuli takmarkaðar frekar en þar er gert.

Út af þessu og í samræmi við það hafa verið settar reglur um lyfjagreiðslur sjúkrasamlaga, sem öðlast gildi 1. apríl 1951.

Jafnframt eru úr gildi numdar reglur um lyfjagreiðslur sjúkrasamlaga, sem gefnar voru út árið 1945.

Þetta er hér með gert almenningi kunnugt.

Félagsmálaráðuneytið, 31. marz 1951.

Steingrímur Steinþórsson.

Jónas Guðmundsson.

- 42
31. marz

REGLUR

um greiðslur til opinberra starfsmanna fyrir ferðakostnað o. fl. í innanlandsferðum.

1. gr.

Fæðis- og gistipeningar.

Opinberir starfsmenn fá endurgreiddan fæðis- og gistikostnað, er þeir eru í ferðalögum í þágu starfs síns. Kostnaðurinn greiðist eftir reikningi, sem úrskurðast af forstöðumanni starfsgreinar, enda fylgi fullnægjandi frumgögn, svo sem gisti- húsareikningar, kvittanir frá matarfélagum o. þ. h. Ef kostnaðurinn er að einhverju leyti óeðlilega eða óþarflega hár að dómi ríkisendurskoðunarinnar, er starfsmaður skyldur að greiða það, sem um of er eytt. Ríkisendurskoðuninni er skylt